

Matthäus Coldebacius

Rector Academiae Francofurtanae Matthaeus Coldebacius, I. U. Doctor & Professor Publicus Ad exsequias funeris Quas ... Viro Dn. Johanni Hanau, Civi & aromatario huius urbis industrio, Marito suo dilectissimo A. d. VI. Id. Ianuarii honorifice adparatas cupit Relicta vidua Omnes iuris-dictioni suae subiectos amanter invitat. Anno Christi cl. I C. XXI.

[Frankfurt, Oder]: Hartmannianis, 1621

<http://purl.uni-rostock.de/rosdok/ppn777516292>

Druck Freier  Zugang





~~II~~

II — 1561. 22.

22.

RECTOR
ACADEMIÆ FRANCOFUR-
TANÆ
MATTHÆUS

COLDEBACIUS,
J. U. Doctor & Professor Publicus

Ad exsequias funeris
QUAS
Honestissimo & modestissimo
V I R O

DN. JOHANNI HANAU,
Civi & aromatario hujus urbis industrio,
Marito suo dilectissimo

A. d. VI. Id. Januarij honorificè
adparatas cupit
Relicta vidua,

Omnes juris- dictioni suæ
subjectos amanter invitat.

Anno Cbristi
clō. lō. C. XXI.

Typis
FRIDERICI HARTMANNI.

Il. 1360 22.

RECTOR
ACADEMIAE
MATTHEUS

GOLDBACHUS
J. H. Goldbach & Sohn
Hauptstadt & Residenz



Omnes sunt
liberorum
cla. Is. O. XXI.

FRIDERICH HARMANN

ANtiquum, nobilissimi & præstantissimi academiæ cives, pol mors obtinet: nec ingenitâ feritatem cum vetere anno unquam exiit: sed in novum semper infert, & perpetuò retinet. Ex quo enim diræ Serpentis astu inescati primi progenitores nostri interdixæ arboris fructum gustarunt; & summū quasi bonum in visceribus ac medullis condiderunt: derepente mundo mors incubuit: & in omnes homines potestatem sibi sumsit: quâ ita impotenter utitur, ut eâ pœnè abuti videatur. Nam neq; tempus ullū tam sanctum lætūmve est, quod nō profanet ac turbet: nec locus ullus tam munitus aut sacer, quem non invadat & contamineat: nullus præterea sexus est, cui parcat: ætas nulla, à quâ manus contineat: status nullus, in quem non involet: quippe apud quam Sanatibus idem juris quod fortibus fit, &

Tros Tyriusve illi nullo discrimine agatur.

Fuit olim, ut Bilbicus Poeta canit

terrarum dea gentiumque, Roma:

cui par nil fuit, & nihil secundum:

fuit, inquam, caput vertexq; mundi, orbis epitome, sedes imperii, seminarium omnium virtutum, domicilium legum, gymnasium literarum, curia dignitatum, patria libertatis: & tamen ibi non minus quàm alibi homines mori Hormisda olim regii Persarum sanguinis Constantino Imperatori, quid de eâ sentiret, roganti audacter respondit. Cœli salubritate & loci amœnitate, commendatur Tibur: & tamen, ut idem Poeta scripsit,

si mors

venerit, in medio Tibure Sardinia est: quæ insula solo melior, quàm cœlo; & ut fœcunda, ita pœnè pestilens est. Multæ reperiuntur passim munitissimæ atq; fortissimæ

mæ

mae turres, validissima propugnacula: sed nulla tam firma, tantarumq; viriū, quæ mortis furor nō oppugnet, non expugnet. Summa est maris tranquillitas, & aeris serenitas, quo tempore Halcyones ovis incubant. Sunt & in bello induciæ, quas hostes inter se paciscuntur: quibus durantib. arma quiescunt, tormenta silent. At in terris nulla vitæ tranquillitas, nunquam à morte securitas est: & inducias illa aut non dat, aut quæ cum eâ pactæ quotidie exeunt. Jure civili foeminarum conditio multis in articulis deterior est, quam masculorum: jure mortis naturali, quo

qui pote plus, urget,

par virorum & mulierum ratio est. Sunt sua juvenibus in repub. & senib. privilegia: in mortis regno nulla. Parricidium prope apud bene moratas gentes habetur interficere hospitem: at mors æquè in hospites grassatur atq; incolas. Originarij in honoribus, si idonei sint, præferuntur extraneis: mors eodem utroq; habet loco. Exempla, quibus ceu vivis coloribus ista, quæ diximus, pingantur, ceu prædibus confirmantur, ubi vis locorum obvia sunt; nec in nostrâ hac urbe defunt. Quatuordecim jam dies sunt, cum Amplissimum Clarissimumq; virum, Dn. *Joannem-Christophorum Herdesianum*, generosi Patris non degenerem Filium, inclytæ Noribergensium reipub. Syndicum à morte, dum hac transit, jugulatum extulimus: quinq; cum nobilem ac primæ notæ matronam *Annam Schmitterin*, quæ motus bellicos fugiens Gorlicio ad nos tanquam ad atylū quoddam confugerat, in puérperio venenatis mortis sagittis confossam in conditorium suum intulimus. Nunc ordo *Jobannem Hanaw* tetigit: cui in optimo ætatis flore constituto, & indigenæ, & sex nondum annorum maris
to, &

re, & homini corpore ac valetudine firmâ, & rerum suarum satagenti mors vitam eripuit. Quæ strages ut primum edita est: execrata violentiam mortis est relicta vidua juvenula: criminatus eâdem cum sorore *Sabina* frater *Georgius Hanau*, vir ornatissimus: detestatus socer *Dn. Andreas Gesnerus*, vir cōsultissimus & facundissimus, reipub. hujus Actuarius, & Curia atq; judicii Advocatus. *Ursulaq; Prentzlovix* socrus: dira eidem imprecatus sororius, *Dn. Gaspar Fritschius*, medicamentarius peritissimus & diligentissimus, Senator reipub. opidanæ spectatissimus: omnesq; vitam defuncti magno redemptam voluissent. Iidem tamen, posteaquam se ipsi collegerunt, & recenti dolore dissipatas animi partes unum in locum coegerunt: quia mortem nec precibus moveri nōrunt, nec minis terreri, nec placari muneribus: tum quicquid factum est, non temerè aut fortuito casu, sed benignâ Dei voluntate factum esse certò statuunt, eidemq; repugnare capital esse, ducunt; nonnihil de luctu suo, ut fas est, & pios homines decet, remittunt: præsertim cum sciant defunctum longè meliori conditione jam esse quàm vivum: atq; ita in his terris militiam coluisse: ut retinuerit fidem & bonam conscientiam ac famam. nec mirum. Honestè n. in hanc vitam introijt: in eâ laudatè fuit: ex eaq; piè exijt. Ingressus in hunc mundum est anno à partu virginis clb Is xciv die xi Kal. Novembris: fatu editus *Dn. Joannis Hanau* Pharmacopæi hujus urbis & aromatarij, Senatorij ordinis viri: & *Anne Osvalde* matronæ honestissimæ. Paternusejus avus *Joannes Hanau*, *Joannis* principis in hac urbe Typegraphi F. philosophiæ & latine tam diligentem operam dederat: ut lauream ab utraq; obtinuerit: & cum fructu discen-

tium

trum atq; ægrôtantium hîc docuerit & medicinam fecerit. Maternus avus *Sigismundus Oswaldus* patriâ Vratislaviensis, natione Silesius, reipub. opidanæ à secretis fuit, eiq; muneri summâ fide ac industriâ præfuit. Aviam paternam *Annam* vetusta & honesta Kulischiorum produxit familia: de quâ hodieq; Furstenvvaldiæ super est *Dn. Andreas Kulisch*, vir optimus & integerrimus, civis ibidem & Camerarius. Ex honesto hoc genere, & honoratis parentibus *Johannes Hanau* noster prodijt: à quibus in primâ statim pueritiâ ita educatus est: ut recto talo in universâ vitâ, quantula cunq; ea fuit, processerit, & ab honestatis tramite non deflexerit. Posteaquam enim pietatis fundamenta jecerat: & literarum peritiâ in scholâ cum patriâ, tum Gubinese tantam sibi compararat: quantam & ingenij, casu quodam debilitati, captus admitteret, & vitæ nō literariæ, sed forensis cultus requireret: ad eam, quam pater & sororius probè didicerant & studiosè exercebāt, medicamentariam nempe se contulit artem: quæ & ipsa ingenua, & in liberalib. numeranda: eamq; fideliter percepit. Parentibus postea anno Christi M. D. CXIII. ex hac vitâ digressis: patre quidem 5 Kal. Mart. hic Francofurti, ubi & in templo superiore humatus est: matre verò 6 id. Sept. in vico Falchenhagen vicino, quò pestis in hac urbe grassantis metu secesserat, ibiq; & tabe emarcuerat, & corpus in æde sacrâ condijusserat: ita inter liberos superstites divisa est hereditas: ut *Georgio* pecunia repræsentaretur: Sororio prædium suburbanum & officina medicamentaria cederet: *Johannes* in pharmacopolio & aromatariâ negotiatione Patri succederet. Cui cum solus absq; sociâ & adjutrice commodè se præesse posse diffideret: communicato cum
pre

propinquis & amicis consilio, annos natus unum & viginti, *Ursulam Gesneriam*, eximiâ pulchritudine & morum elegantia virginem sibi uxorem optavit: & tandem etiam à parentibus, qui nullâ aliâ de causâ, quam quod nuptias festinari, & præmatura venere juventutem enervari consultum non putarent, initio difficiles erant, impetravit: cum eaq; nuptias A. C. 1615. a. d. 6. id. Jun. celebravit. Ex eo tempore vita inter conjuges hosce sine bile & Deâ Viri-placæ interventu peracta; concordia sine jurgio alita; res familiaris sine fraude aliorum curata est. Suscepti in conjugio bini liberi *Joannes & Georgius*: qui hodieq; superstites Deo, viduarum & pupillorum parenti ac tutori, cum matre viduâ curæ erunt: sicut & qui nasciturus speratur posthumus. Cum vicinis bene semper *Joanni* nostro convénit: idem cum eumentibus & vendentibus bonâ fide egit: in audiendo verbo divino, & sacramento Eucharistiæ percipiendo frequens fuit: in pijs precibus ad Deum fundendis assiduus; in eleemosynis dandis pro re & facultatib: liberalis. Tam honestè se gessit in vitâ *Joannes* noster: ex quâ die ab hinc nono, qui erat ultimus anni veteris, vel, more Romano, primus anni novj intra duodecimam & primam noctis egressus est; cum ætatis annum vicesimum septimum, enneaticum tertium paullo ante esset ingressus: non fila vitæ abrumpentibus puellis lanificis: sed febre petechiali, quam vocât, quæ illum die XX. Decembris superioris anni invaserat, nec ullis aut precibus, aut lachrymis, aut pharmacis, quamvis plurimis ex præscripto Medici adhibitis profligari poterat, & irritata quasi atq; irata catarthum suffocativum in ipsâ luminarium oppositione,

&

& anginam in subsidium acciverat, viresq; ejus omnes
prostraverat, ei usurā vitæ hujus, non tamen usum rati-
onis, quā ad extremum usq; halitum integrā utebatur,
eripiente: vel, ut rectius loquar, Imperatore coelesti ex
statione suā militem hunc Christianum evocante. Ani-
ma ejus, ut piè credimus, in manu Dei est: quippe san-
guine Christi lota, vitæ pane pasta, carne vivificā refe-
cta: & ab ipso jam morti vicino pijs precibus coelesti
Patri commendata: corpus exanime relicta vidua, ma-
rito dulciss. orbata, & in graviss. luctum conjecta, ho-
norigerè terræ mandare hodie satagit. In magnam au-
tem spem erecta est fore, ut in funus defuncti mariti
frequentes procedatis, si programme nostro evoca-
mini. Evoco ego vos, invito vos amanter & humani-
ter. Date vos ergo hoc, quod petitur & exspectatur,
denato viro honesto & modesto, ejusq; vitā functo-
rum parentum beatiss. manibus: date viventi Socero, &
reliquis ab utraq; parte propinquis: quorum animus
nec à literis, nec à vobis alienus est, & studia in ordi-
nem nostrum non obscura: date, inquam, & post hos-
-ram hujus diei duodecimam ante ædes viduæ fre-
quentes convenite, defuncto exsequias ite,
optimeq; vivite & va-
lete.

M. C. N.



te, & homini corpore ac valetudine fir-
rum fatigenti mors vitam eripuit. Quo-
rum edita est: execrata violentiam
vidua iuencula: criminatus eadem cō-
frater *Georgius Hanau*, vir ornatissimus
Dn. Andreas Gesnerus, vir cōsultissimus
reipub. hujus Actuarius, & Curia atq;
tus. *Ursulaq; Prentzlovias* focrus: dira ei
fororius, *Dn. Gaspar Fritschius*, medican-
simus & diligentissimus, Senator reipub.
ctatissimus: omnesq; vitam defuncti
voluissent. Iidem tamen, posteaq;
gerunt, & recenti dolore dissipatas
num in locum coegerunt: quia m-
bus moveri nōrunt, nec minis terr-
muneribus: tum quicquid factum
aut fortuito casu, sed benignā Dei
esse certō statuunt, eidemq; repug-
ducunt: non nihil de luctu suo, ut
mines decet, remittunt: præsertim
ctum longē meliori conditione
vivum: atq; ita in his terris militat-
nuerit fidem & bonam conscientiam
rum. Honestē n. in hanc vitam intro-
fuit: ex eaq; piē exiit. Ingressus in hu-
no à partu virginis est Id. xciv die x-
fatu editus *Dn. Joannis Hanau* Pharma-
& aromatarij, Senatorij ordinis viri
matronæ honestissimæ. Paternus eji-
nau, *Joannis* principis in hac urbe Ty-
sophiæ & Iatricæ tam diligentem
ut lauream ab utraq; obtinuerit: &

ndua
t pri-
elicta
Sabina
focer
imus,
voca-
catus
eritif-
æ spe-
mtam
colle-
tes u-
precip
lacari
emerē
actum
al esse
os ho-
defun-
quām
ut reti-
nec mi-
audatē
est an-
embris:
is urbis
Svalda
nes Ha-
philo-
ederat:
discen-
tium

